

INFOMEISEN PEPA 1

TRBR i stap blong helpem yu



Ol Helt Risk blong ICT Mo Impotens blong ol Komplaens Mak

Ol helt risk blong yusum Infomeisen, Komiunikeisen Teknoloji (ICT) hemi ol konsen blong sam sitisen we oli resem long ol staf blong TRBR long plante okeisen. Hemia hemi espesieli ol individuol, konsuma mo konsuma grup. Rialiti se olgeta ICT divaes mo prodak i prodiusim sam level blong radiasen we sam ICT kritik i bin stap yusum blong putum fraet mo/o kosem konsen long laef blong ol pipol. Oli shud notem long fes ples se tru long plante risej we oli mekem kasem tedei, long plante yia mo long plante kaontri, kasem naoia I NOGAT WAN i establisim ENI konkret fakt se yus blong ol ICT espesieli signol blong ol radio emisen oli wan helt risk.

Hemia i aplae espesieli long olgeta mobael fon.

Semak, oli shud notem se evri stret ICT divaes oli mekem olgeta long ol faktri folem ol hae industri standet mo spesifikeisen we oli yusum ol strik kwaliti kontrol proses. Wan impoten pat blong manufakturin proses hemi testing we emisen reit blong radiasen blong wan ICT divaes oli testem akensem safe human (tissue) absopsen level long industri.

Ol prodak we oli testem mo faenemaot se oli sef blong man i yusum oli setifaem mo givim wan komplaens mak mo mekem hemi availebol long maket. Ol prodak we oli feilem ol test rikwaemen oli holem taet olgeta mo oli no alowem olgeta long maket.

Oli shud notem tu se iven wetem proses ia inple斯, ol toti bisnis hemi eksist mo oli involv long manufakturing blong ol kiaman (kopi) prodak mo divaes. Plante long ol kiaman prodak ia oli plante long maket mo Vanuatu maket hemi no wan eksepsen.

Iven ol komplaens mekanism oli inple斯, Vanuatu ligol fremwok hemi no save stopem naoia hemia olsem ol konsuma i nid blong protektem olgeta long wei blong mekem sua se oli pem mo yusum ol stret prodak nomo. Ol kiaman prodak i had blong luksave. Be i gat sam saen we yu save luksave sipos ol konsuma oli tekem taem blong lukluk gud.

Eksampol, jip praes we i no hapen oltaem long ol brand we yumi save gud olgeta mo hae kwaliti brand we yumi luk se hemi jip long sem stoa kompea long ol stret brand we oli sas moa long wan nara stoa. Wael TRBR i enkarenjem mo rikomendem long ol saplaea blong impot, salem o yusum nomo ol equipmen we hemi soem eni long ol komplaens mak we oli putum daon ia, advaes i go long konsuma blong jekem oltaem mo lukluk wan komplaens mak taem we hemi pem eni equipmen; e.g. wan mobael fon, etc.

INFOMEISEN PEPA 1

TRBR i stap blong helpem yu



I gat plante samting we wan konsuma i save mekem blong mekem sua se ol prodak mo divaes we oli pem oli stret wan, inkludim ol ting we yu pem long wan stoa we i gat wan gud reputeisen be gudfala wei nao hemi blong mekem sua se wan prodak we hemi stret wan hemi tru long komplaens mak.

Olgeta mak ia oli stap oltaem long baksaed o insaed, long batri mo long ol ples olsem long ol divaes. Wan kwik jek bae hemi soem ol mak ia.

Long pej hemi wan list blong ol komon intenasonal komplaens mak we oli yusum blong testem mo Cetificasen Institutes, we ol rikwaemen blong hemi mitim blong mekem se oli setifaem wan prodak se hemi stret wan.

EMC Komplaens

Sotband	Komplaens Mak	rikwaemen blong: Komplaens wetem
CE		OI Daerektiv we European Commisien i isium
GS		GS Mak Germany Europe
FCC		Federal Komiuniikeisen Commisien (FCC) (USA)
C-Tick		Australia mo New Zealand C-tik
VCCI		Mak blong Japan VCCI
PSB		Singapore Sefty Athoriti, Prodactiviti mo Standards Bod.
MIC		Saot Korean Ministri of Informasen and Komiuniikeiens.
BSMI		Taiwanese Bureau blo Standards, Metrologi mo inspeksen.
HKSI		Hong Kong Sefty Instituti Mak
eK		Saot Korea. eK Mak
KCC/ MIC		Ministri blong Komiuniikeisen (RoK)
LR		Marin Appruvol (Lloyd Rejista)

Envaeronental Komplaens

Sotband	Komplaens Mak	Komplaens wetem rikwaemen blong:
A-Tick		Australia
HKSI		Hong Kong Sefty Instituti Mak mo tu Hong Kong Sefty Mak
S		S-Mak. Europe
KC		KC Mak weh mbae replasem olfa ek Mak lo RoK
CCC		China complasory Setifikasen (CCC) Mak
KCC/ MIC		Ministry blo Komiuniikeisen (RoK)
UL		Not America Prodakt Sefty
Demko or VDE		European Union Prodakt Sefty
Ex		European Union Hazardous Lokesens
LR		Marin Appruvol (Lloyd Rejista)
WEEE		Waest Elektricol mo Elektronik Equipmen Daerektif
RoHS		RoHS Daerektif. Restriksen blo Hazardous Sabstens
ISO 9001/14001		Kwaliti/Environmental Manajmen Sistem